

<<ՆՈՐ ԺԱԱՆԱԿԻ ԿՐԹՈՒԹՅՈՒՆ>> ՀԿ  
ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

**Հետազոտության թեման`** <<Բնապահպանությունը որպես մարդկության գլխավոր հիմնախնդիր, կրթությունը և դաստիարակությունը դպրոցում` «Ես և շրջակա աշխարհը» առարկայի միջոցով:

**Առարկան`** Ես և շրջակա աշխարհը

**Հետազոտող ուսուցիչ`** Սեդա Մուրադյան

**Ուսումնական հաստատություն`** Ալավերդու Կարապետ Դովինյանի անվան N 11 միջնակարգ դպրոց

**Երևան 2023**

## ԲՈՎԱՆԴԱԿՈՒԹՅՈՒՆ

1. Ներածություն-----	3
2. Բնագիտության ուսուցումը և բնապահպանական վերաբերմունքի ձևավորումը <<Ես և շրջակա աշխարհը>> առարկայի միջոցով-----	4
3. Բնապահպանական կրթության մանկավարժական հիմունքները-----	6
4. Բնության, աշխարհի նկատմամբ անձնավորության ձևավորումը-----	7
5. Բնապահպանական կրթության արտադասարանային ձևերը-----	11
6. Բնապահպանական կրթության արտադպրոցական ձևերը-----	14
7. Միջազգային էկոլոգիական օրացույց-----	16
8. Եզրակացություն -----	17
9. Գրականության ցանկ-----	18

## ՆԵՐԱԾՈՒԹՅՈՒՆ

Մարդկության ի հայտ գալով, սկսվում է նյութի զարգացման որակական նոր աստիճան, որտեղ մարդկային հասարակությունը դուրս է գալիս կենդանի բնության սահմաններից: 21-րդ դարը մարդկության գոյատևման և կայուն զարգացման ուղիների ընտրության ժամանակաշրջան է: Այս ժամանակաշրջանում գլխավոր խնդիրներից է այն, որ մարդն ապրում է էկոլոգիապես ադապտված միջավայրում: Միջավայրի ադապտվածությունը ազդում է նաև ամբողջ էկոհամակարգի վրա:

Դրա հետ կապված կարևոր նշանակություն է ձեռք բերել էկոլոգիական իրավիճակի փոփոխությունների կանխարգելումն ապագայում և դրա հիման վրա մոտակա տարիների համար որոշակի հեռանկարային միջոցառումների մշակումը, որոնք ուղղված են շրջակա միջավայրի պահպանմանը, վիճակի բարելավմանը, կենսոլորտի անցանկալի փոփոխությունների կանխարգելմանը: Բնության նկատմամբ կիրառվող միջոցների գործնականությունը որոշվում է մարդկանց վարքով և բնության նկատմամբ ունեցած վերաբերմունքով: Դա է պատճառը, որ բնապահպանական ճգնաժամը մեծ մասամբ աշխարհայացքային, գաղափարախոսական ճգնաժամ է:

Այս պատճառով կարևորվում է էկոլոգիական կրթությունը և դաստիարակությունը սկսել հենց հանրակրթական դպրոցից: Բնության նկատմամբ վերաբերմունքի ձևավորումը սկսվում է կրտսեր դպրոցական տարիքից: Բնության նկատմամբ սերը և խնամքը ձևավորվում և ուսուցանվում է դասավանդվող բոլոր առարկաների միջոցով: Սակայն վերջին տարիներին դասավանդվում է «Ես և շրջակա աշխարհը» առարկան, որը հստակ անդրադառնում է այդ հարցին: Այս առարկայի միջոցով ձևավորվում է անձը՝ որպես հասարակության անդամ, ինչպես նաև բնության մասնիկ: «Ես և շրջակա աշխարհը» առարկան շատ կարևոր դեր է խաղում բնապահպանական խնդիրների լուծման ուղիների, անձի վերաբերմունքի, աշխարհաճանաչողական, խնայողաբար բնօգտագործման հարցերում:

**ԲՆԱԳԻՏՈՒԹՅԱՆ ՈՒՍՈՒՑՈՒՄԸ ԵՎ ԲՆԱՊԱՀՊԱՆԱԿԱՆ ՎԵՐԱԲԵՐՄՈՒՆՔԻ  
ԶԵՎԱՎՈՐՈՒՄԸ <<ԵՍ ԵՎ ՇՐՋԱԿԱ ԱՇԽԱՐՀԸ>>ԱՌԱՐԿԱՅԻ ՄԻՋՈՑՈՎ**

**<<Մենք պետք է նորից և նորից ինքներս մեզ տանք վաղուց ի վեր հնչող հարցը՝ ովքե՞ր ենք մենք, բնության զավակնե՞ր, թե՞ նրա տիրակալներ, ինչի՞ համար ենք այս աշխարհ եկել՝ օգտագործելու, թե՞ ստեղծելու... >>Գ. Ա. Յագոբյան**

Էկոլոգիական դաստիարակության հայեցակարգի համաձայն՝ էկոլոգիական դաստիարակությունը ուսուցման, դաստիարակության, մտածողական, հուզազգացմունքային ամբողջական գործընթաց է: Այդ որակները ձևավորվում են բնաճանաչողական և բնապահպանական տեսական և գործնական գիտելիքների, կարողությունների, արժեքային կողմնորոշումների, շրջակա միջավայրում վարքի և գործունեության հասարակականորեն և բնապահպանության միջոցով:

<<Էկոլոգիական դաստիարակություն>> հասկացության էությունը բնութագրվում է որպես աճող սերնդի ուսուցման անընդհատ գործընթաց՝ ուղղված ընդհանուր էկոլոգիական մշակույթի և էկոլոգիական պատասխանատվության ձևավորմանը՝ իրեն հարազատ մարդկանց, իր երկրի, մոլորակի ճակատագրի նկատմամբ:

Մանկավարժներն առանձնացնում են էկոլոգիական դաստիարակության հետևյալ խնդիրները՝

- . շրջապատի նկատմամբ ճիշտ վարվելակերպի մշակում
- . քաղաքացու դաստիարակում
- . հասարակության մեջ ընդունելի փոխհարաբերությունների հաստատում:

Կրտսեր դպրոցականների էկոլոգիական դաստիարակության նպատակի և խնդիրների շուրջ տարբեր բանաձևեր են առաջարկվում՝ որոնք կիրառվում են ուսուցանվող բոլոր առարկաների միջոցով, հատկապես <<Ես և շրջակա աշխարհը>> առարկայի միջոցով:

**Առաջարկվող բանաձևերից են.**

- 1.** Բնապահպանական մշակույթի ձևավորում, երեխայի վարքում բնության հետ գիտակցված հարաբերությունների որոշակի մակարդակի ձևավորում:
- 2.** Բնության , մարդկանց, իր կյանքում իր դերի նկատմամբ գիտակցված վերաբերմունքի մշակում:
- 3.** Բնության նկատմամբ պատասխանատու վերաբերմունքի ձևավորում:
- 4.** Երեխաների մեջ բնության պահպանման, զարգացման անհրաժեշտության գիտակցման դաստիարակում:
- 5.** Երեխայի մեջ իր գոյության կենսամիջավայրի նկատմամբ վստահության զարգացում:
- 6.** Կենդանի և անկենդան բնության տարբերությունների վերաբերյալ լրիտելիքների ձևավորում:

7. Վայրի բնության հետ մարդու խելամիտ փոխհարաբերության և մարդու ստեղծարար աշխատանքի , մտավոր ստեղծագործության կարողությունների ձևավորում:

Էկոլոգիական դաստիարակության մանկավարժական խնդիրները վերաբերում են .

**ա-ուսուցմանը`** մարդկության և հասարակության միջև փոխադարձ կապի իմացության տիրապետում, բնապահպանական խնդիրների լուծման գործնական ունակությունների ձևավորում

**բ-դաստիարակությանը`** արժեքային կողմնորոշում շրջակա միջավայրի պահպանման ակտիվ գործունեության սովորույթի մշակում

**գ-գարգացմանը`** բնապահպանական իրավիճակների վերլուծության ընդունակություն:

**<<Բնությունը համաչափություն և կանոնադրություն է սիրում, ոչ մի բան մարդկային հնարմանց մեջ այդ հրաշալի ներդաշնակությանը այնքան համանմանելու պահանջ չունի , ինչքան մարդու կրթության արվեստը>>:**

#### **Ղ. Աղայան**

Կրտսեր դպրոցական տարիքում <<Ես և շրջակա աշխարհը>> առարկայի միջոցով առաջ են քաշվում հետևյալ խնդիրները`

-բնաճանաչողական ընդունակությունների , իմացական հետաքրքրությունների ձևավորումը,

-բնության երևույթների, բուսական ու կենդանական աշխարհի փոխկապվածության վերաբերյալ գիտելիքների ձևավորումը,

-բնության մեջ ճիշտ վարքագծի ձևավորումը,

-կենդանի բնության նկատմամբ ապրումակցման ձևավորումը,

-միմյանց նկատմամբ հանդուրժողականության , հարգանքի ձևավորումը:

Էկոլոգիական կրթության բովանդակությունը նպաստում է երեխայի մեջ մարդու` որպես բնության մի մասնիկ իր պատկերացման և երկրագնդի վրա կյանքի ձևերի նկատմամբ հարգալից և հոգատար վերաբերմունքի ձևավորմանը: Նպաստում է նաև երեխայի կողմից բնության գեղագիտական ընկալմանը, արտաքին աշխարհի հետ ներդաշնակ ապրելու ցանկությանը:

# Բնապահպանական կրթության մանկավարժական հիմունքները

Ռալֆ Էմերսոնը գրել է. «Փիլիսոփայության տեսանկյունից տիեզերքը կազմված է «հոգու» բնությունից»:

Իսկ ինչպե՞ս են փոխազդում միմյանց հետ բնությունը և հոգին: Բնության հետ փոխազդեցությունը ունի մեծ հոգեբանամանկավարժական ներուժ: Այն իրականացնում է.

**1. Հոգեբանաֆիզիոլոգիական ֆունկցիա-** կենդանիների և բույսերի հետ փոխազդեցությունը հանում է սթրեսը, նորմալացնում է նյարդային համակարգի աշխատանքը: Օրինակ՝ ակվարիումային ձկներով կարճաժամկետ հիանալը արդյունավետ միջոց է նյարդային համակարգը հանգստացնելու, անբնության դեմ պայքարելու համար:

**2. Հոգեթերապևտիկ ֆունկցիա-** կենդանիների հետ մարդկանց փոխազդեցությունը նպաստում է միջանձնային հարաբերությունների ներդաշնակությանը: Կենդանիների խնամքը նպաստում է հոգեկան դեպրեսիայի վերացմանը:

**3. Վերականգնողական ֆունկցիա** - կենդանիները և բույսերը շրջապատող միջավայրի հետ մարդու մարդու փոխազդեցության ուղիներ են, որոնք նպաստում են հոգեբանական և սոցիալական վերականգնմանը: Օրինակ՝ բնության հետ փոխազդեցությունը մեծ դեր ունի դպրոց - ինտերնատներում, որտեղ երեխաները զրկված են ծնողներից: Կամ հոգեկան շեղումներ ունեցող երեխաների 2/3-ին կենդանիները տալիս են այն, ինչ չեն տալիս մարդիկ:

**4. Էսթետիկական ֆունկցիա** –բնության հետ մարդու փոխազդեցությունը նպաստում է անձի էսթետիկական զարգացմանը: Օրինակ՝ Արևելքի և Ամերիկայի մշակույթների ինտենսիվ հաղորդակցումը եվրոպացիներին ստիպեցին իրենց մոտ հիմնել բուսաբանական այգիներ, ազգային պարկեր, արգելավայրեր:

**5. Ճանաչողական ֆունկցիա-** բնության հետ փոխազդեցությունը կարող է բավարարել անձի ճանաչողական պահանջմունքները, նպաստել նրա մտավոր զարգացմանը: Օրինակ՝ ցածր առաջադիմություն ունեցող աշակերտները բնության հետ փոխազդեցության օգնությամբ լուծել են իրենց առջև ծառայած խնդիրները: Բույսերի կամ կենդանիների խնամքը տարել է նրանց համապատասխան ինֆորմացիայի որոնումների, առաջացել է հետաքրքրություն:

**6. Իրազեկության պահանջմունքների բավարարման ֆունկցիա** - իրազեկության պահանջմունքը՝ «Ես կարող եմ», մարդու կարևորագույն առանձնահատկություններից է: Բնության հետ փոխազդեցությունը կարող է լինել այդ պահանջմունքի լրացուցիչ ուղին, թույլ է տալիս բարձրացնել ինքնագնահատականը:

**7. Ինքնադրսևորման ֆունկցիա-**մարդու կարևորագույն պահանջմունքներից մեկը

սեփական ներուժի իրականացումն է: Ինքնադրսևորման անհնարինությունը բերում է

խորագույն անձնական ճգնաժամի: Օրինակ՝ եթե երեխան զբաղվում է օրգանիզմների համակարգի ստեղծումով՝ ծաղկանոց, ակվարիում, նա ստեղծում է <<իր սեփական աշխարհը>>: Նա փորձում է ինքնահաստատվել իր ստեղծած <<աշխարհում>>:

**8. Հաղորդակցման ֆունկցիա-** բույսերը և կենդանիները մարդու հետ կարող են իրականացնել հաղորդակցման գույզներով ֆունկցիա: Երեխաների մեծ մասը կիսվում է տնային կենդանիների կամ բույսերի հետ, պատմում դպրոցում կատարվածը:

Այսպիսով բնության հետ փոխազդեցությունը ունի մեծ հոգեբանամանկավարժական ներգործություն:

## **Բնության, աշխարհի նկատմամբ անձնավորության հարաբերության ձևավորումը**

Բնության, աշխարհի նկատմամբ սուբյեկտիվ վերաբերմունքի առանձնահատկությունը կարող է արտացոլվել բովանդակային նկարագրման ուղիներով՝ գիտակցված վերաբերմունքի լայնության, ինտենսիվության աստիճան: **Բնության նկատմամբ վերաբերմունքի լայնությունը**-վերաբերմունքի ընդարձակության ձևավորումը պայմանավորում է մանկավարժական պրոցեսի կազմակերպման այնպիսի անհրաժեշտություն, որպեսզի բնության նկատմամբ վերաբերմունքի սուբյեկտիվ տարածքի մեջ ընդգրկվեն որքան հնարավոր է շատ բնական օբյեկտներ:

**Բնության նկատմամբ վերաբերմունքի ինտենսիվությունը**-Մանկավարժական պրոցեսը պետք է նպատակաուղղվի և ընդարձակի բնության նկատմամբ երեխայի վերաբերմունքի դրսևորման հնարավորությունները զգացմունքի և ճանաչողական ոլորտում, պրակտիկ գործունեության ու վերաբերմունքի մեջ:

**Վերաբերմունքի գիտակցության աստիճան**-Մանկավարժական տեսակետից բնության նկատմամբ անձի վերաբերմունքի գիտակցությունը պետք է ձևավորել վաղ տարիքից: Կրտսեր դպրոցական տարիքում խորհուրդ է տրվում երեխաներին հարցեր տալ բնության նկատմամբ նրանց վերաբերմունքի մասին, առաջարկել նկարագրել, բնութագրել այն: Այդպիսի առաջադրանքները դժվար են, սակայն արդյունքում կարելի է հասնել գիտակցության մակարդակի բարձրացմանը:

Այդ հարցում օգնում է նաև <<Ես և շրջակա աշխարհը>> առարկան իր բնությանը վերաբերող թեմաներով:

Մանկավարժական պրոցեսի անընդհատության միջոցով կարելի է հասնել բնության նկատմամբ վերաբերմունքի կայունության: Բնության և հասարակության

փոխազդեցության հարցերի լուծումն անհնար է առանց բնապահպանական հիմնախնդիրները հասկանալու և էկոլոգիական մտածողության ձևավորման՝ աճող սերնդի մոտ :Այս պրոցեսում շատ կարևոր դեր է խաղում հանրակրթական դպրոցը:

Բնագիտության՝ աշխարհի , տիեզերքի, օվկիանոսների մասին կրթությունը հանրակրթական դպրոցներում դաստիարակում է երիտասարդ մարդու կուլտուրայի հիմունքները, պատրաստում է նրան կյանքին, մոլորակի երևույթներին և հասարակության մեջ կողմնորոշվելուն: Բնագիտական, բնապահպանական կուլտուրան իր մեջ ներառում է գիտելիքներ՝ բնությունը կյանքի և գեղեցկության աղբյուր է , որի պահպանման համար պետք է պատասխանատվություն կրել: Այսպիսով էկոլոգիական կուլտուրա – դա մարդու վարքագծի կուլտուրան է, որի շնորհիվ մարդկությունը շրջակա միջավայրը պահպանում է նյութերի և էներգետիկ աղտոտումից:

Բնագիտական կրթության համակարգում կարևոր տեղ է տրվում տարրական դպրոցում: Այս ընթացքում գիտելիքներն ու բնության հանդեպ սերը ուսուցանվում է դասավանդվող բոլոր առարկաների միջոցով: Մակայն հատուկ դեր է խաղում <<Ես և շրջակա աշխարհը>> առարկան, որի միջոցով երեխան կատարում է բնապահպանական իր առաջին քայլերը: Նա ճանաչում է մոլորակն ու աստղերը, բույսերի և կենդանիների կյանքը, զարգանում են բնական երևույթների մասին գիտելիքները: Այս տարիքում երեխաները ճանաչում են նաև մարդու կառուցվածքը, օրգանները, զարգանում է նաև առողջության մասին գիտելիքները:

Հասկանում են նաև, որ մարդը բնության մասնիկ է , և առանց նրա չի կարող գոյություն ունենալ: Բնությունը նաև նյութական բարիքների աղբյուր է: Օրինակ՝ <<Ինչու՞ են ծաղիկներ աճեցնում>>, կամ <<Ինչու՞ են հողագործությամբ կամ այգեգործությամբ զբաղվում>>, կամ էլ <<Ինչու՞ են տանը թութակ, շուն պահում>>:

Հատուկ նշանակություն են բույսերի ու կենդանիների մասին թեմաները, որոնք ուսուցանում են բնության մեջ սերտ կապերը: Կարևոր է բույսերի ու կենդանիների բնապահպանական դերը՝ օրինակ գայլերը անտառի սանիտարներն են: Երեխաները ստանում են նաև աշխարհագրական կրթություն, ճանաչում են լանդշաֆտը, հին քաղաքակրթությունները: Ծանոթանում են կլիմային, անկենդան և կենդանի բնությանը: Զարգանում է նաև արդյունավետ և խնայողաբար բնօգտագործումը:

Էկոլոգիական գիտակցության ձևավորումը դպրոցի կարևոր խնդիրներից է, որը ձևավորում է բարոյական մշակույթը և անդրադառնում է անհատի բնապահպանական կրթության վրա: Այն խթան է հանդիսանում էկոլոգիական գիտակցության զարգացման համար:

Բնապահպանական կրթության հիմնական նպատակն է զարգացնել պատասխանատու վերաբերմունք շրջակա միջավայրի նկատմամբ , որի կառուցվածքի հիմքը բնապահպանական գիտակցության զարգացումն է: Դաստիարակվում է էկոլոգիապես գրագետ և ազնվաբարո անձ:

Բնապահպանական կրթության ժամանակ առաջ են քաշվում հետևյալ խնդիրները.



ա-գտնել բնապահպանական խնդիրներ և առաջադրել արդի լուծման ճանապարհներ  
բ-ձևավորել էկոլոգիապես գրագետ և առողջ ապրելակերպով անհատ  
գ-մտավոր և գործնական հմտությունների զարգացում, միջավայրի գնահատում և  
բարելավում, ակտիվ աշխատանքի ձգտում

**դ-խելացի՝** կարողանալ վերլուծել բնապահպանական իրավիճակներ, **հուզական՝**  
վերաբերմունքը բնության հանդեպ, **բարոյական՝** կամքը, պատասխանատվությունը:  
Ուսուցման գործընթացում խթան է հանդիսանում կազմակերպման յուրաքանչյուր  
ձև սովորողների հետ, զարգացնում տարբեր տեսակի ճանաչողական  
գործունեություններ:

Բնապահպանական հայեցակարգի ձևավորումը դպրոցներում, սովորողների  
մոտ <<Մարդը և աշխարհը>> գաղափարախոսության մեջ տալիս է ուժեղացված  
էկոլոգիական հասկացություններ: Սկսած <<Ես և շրջակա աշխարհը>> առարկայի  
առաջին դասից՝ կապ է ստեղծվում հասարակության և բնության միջև, որը դառնում  
է անբաժանելի ամբողջականություն, իսկ սովորողը՝ ամբողջության մի մասնիկը: Մա  
հնարավորություն է տալիս վաղ հասակից դաստիարակել բարոյական և  
էկոլոգիական գաղափարներով անհատ, որը պատկերացնում է մարդու  
ազդեցությունը շրջակա միջավայրի հանդեպ՝ դրական և բացասական: Երեխաները  
ստանում են հստակ գիտելիքներ բույսերի և կենդանիների մասին: Սովորողի համար  
բացահայտվում են հակասությունները հասարակության և բնության միջև: <<Ես և  
շրջակա աշխարհը>> առարկայի միջոցով խորությամբ զարգանում է կապը  
կենսաբանության, աշխարհագրության, ֆիզիկա, քիմիա առարկաների միջև,  
գաղափար են կազմում էկոլոգիական աղետների մասին:

Պատմության ընթացքում հասարակություն – բնություն ներդաշնակ  
փոխազդեցությունը հիմնավորելու համար ուսուցիչը ներկայացնում է գիտական  
պատճառներ բնությունը պաշտպանելու աշխարհի մակարդակով՝ սկսած սեփական  
երկրից: Անհրաժեշտ է նաև ուսուցանել ամենահարմար մեթոդները՝ վերլուծելու և  
կարևորելու բնապահպանական արժեքները , շահերն ու կարիքները, տարբեր  
կարծիքների միջև համեմատություն անցկացնելով՝ կառուցել սեփական  
վերաբերմունք խնդիրների նկատմամբ: Կարելի է կազմակերպել բնապահպանական  
ուղղվածություն ունեցող ոչ ավանդական դասաժամեր: Օրինակ՝ տոն- միջոցառում  
<<Անտառի տոն>>, կամ խաղ- մրցույթ, արշավներ: Այսպիսի դասերը ձևավորում են  
ակտիվ քաղաքացիական դիրքորոշում հայրենի բնության նկատմամբ: Երեխաները  
սովորում են նաև խնամել տնային բույսեր, կատարում են ծառատունկ, տարբեր  
տեսակի ծաղիկների աճեցում: Բնապահպանական խնդիրներ լուծելիս երեխաները  
ձեռք են բերում նոր գաղափարներ, գտնում են նոր բացահայտումներ, զարգանում է  
բանավիճելու կարողությունը, ձևավորվում է անհատական հարաբերությունները:

<<Ես և շրջակա աշխարհը>> առարկան առանձնահատուկ տեղ է գրավում  
դասավանդվող մյուս առարկաների նկատմամբ: Այն լայն հնարավորություն է տալիս  
բնապահպանական գիտելիքներ մատուցելու , անհատի՝ հասարակության մեջ  
ընդգրկվելու առումով: Բնության նկատմամբ հոգատար վերաբերմունքի

ձևավորումը պետք է սկսել վաղ տարիքից: <<Ես և շրջակա աշխարհը>> առարկան տալիս է այդ հնարավորությունը: Առարկայի դասավանդման միջոցով զարգանում է աշխարհաճանաչողությունը: Առարկայի նպատակն է սովորողների մեջ ձևավորել ուշադիր լինելու, հետազոտելու, խնամելու, պահպանելու, բարեկարգելու կարողությունները: Աշակերտները տարբեր գործնական աշխատանքների շնորհիվ ճանաչում և սիրում են բնությունը: Եթե նախկինում շրջակա միջավայրի պահպանությունը դիտվում էր որպես բնապահպանական խնդիր, ապա այսօր այն վերածվել է հիմնախնդրի: Հասարակությունը հեռացել է բնությունից, ոչնչանում են անտառներ՝ կառուցելով գործարաններ, քաղաքներ, աղտոտվում է շրջակա միջավայրը, որի պատճառը մարդկային անտարբերությունն է, անբարեկիրթ վերաբերմունքը: Անտառների հատումը բերում է մի շարք աղետներ, այդ թվում նաև ջրի պաշարների պակասում: Այս հարցերի շուրջ քննարկումների իրականացման համար մեծ է դպրոցի և ուսուցչի դերը, և այս խնդիրներին անդրադառնում են <<Ես և շրջակա աշխարհը>> առարկայի միջոցով: Երեխաները սովորում են նաև խնայողաբար վերաբերվել բնության բարիքներին ու բնական պաշարներին: Դասերի արդյունավետությունը աճում է նաև ՏՀՏ-ի օգտագործման շնորհիվ: Այդ ընթացքում երեխաները ճանաչում են ոչ միայն հայրենի բնությունը, այլ նաև աշխարհում կատարվող բնապահպանական աղետները: Առարկան մեծ հետաքրքրություն է առաջացնում: Կատարվող փորձերն ու դիտարկումներն ակտիվորեն ներգրավում են երեխաներին: Երեխաները դպրոցից սովորում են, որ մոլորակի ռեսուրսները սահմանափակ են, շրջակա միջավայրը խոցելի է դառնում: Երեխաները պետք է գիտակցեն իրենց դերը բնապահպանության հարցում, համոզված լինեն, որ մարդը կարող է վերացնել խնդիրները, բարեկարգել մոլորակի բնապահպանական վիճակը: Շատ կարևոր է նաև ընտանիքի դերը: Ուսուցչի գործը դժվարանում է, երբ տանը երեխան տեսնում է մի բան, իսկ դպրոցում սովորեցնում են ուրիշ բան: Այս դեպքում ուսուցիչը աշխատանք է տանում նաև ծնողի հետ: Ընտանիքը հասարակության հիմքն է: Առանց ընտանեկան ճիշտ դաստիարակության, միայն դպրոցում տարված աշխատանքը պակաս արդյունավետ կարող է լինել: Այս առումով ևս <<Ես և շրջակա աշխարհը>> առարկան օգնում է, ձևավորելով անձի հասարակությանն ինտեգրելու ճանապարհին: Երեխան ամեն օր ուղղակի, թե անուղղակի շփվում է շրջակա միջավայրի հետ, տեսնում է այնտեղ կատարվածը՝ թափված աղբ ամենուր, ծառահատումներ, օդի աղտոտում: Ուստի ուսուցչի ճիշտ մեկնաբանումները, երեխաների քննարկումները, կատարած առաջարկները կբերեն ցանկալի արդյունքների: Այսօր դասագրքերում զետեղված դասանյութերը հնարավորություն են տալիս ուսուցչի ստեղծագործական աշխատանքին: Օրինակ՝ <<Ես և շրջակա աշխարհը>> առարկայի 3-րդ դասարանի դասագրքում ուսուցանվող թեմաներից է Երկիր մոլորակն ու տիեզերքը: ՏՀՏ-ի միջոցով երեխաները հստակ տեղեկություններ են ստանում, թե ինչպիսի՞ պտույտներ է կատարում մոլորակը, ի՞նչ դիրք է գրավում արեգակնային համակարգում, ինչպիսի՞ ջրային և ցամաքային տարածքներ կան և այսպես շարունակ: Իսկ 4-րդ դասարանի դասագրքում ուսումնասիրվում է նաև հողի

օգտագործումն ու պահպանությունը, օգտակար հանածոները, զարմանահրաշ ջուրը, ինչպես նաև բնության երևույթներն ու պահպանությունը:

Դասաժամերին ՏՀՏ-ի կիրառման միջոցով երեխաները ճանապարհորդում են աշխարհով, համեմատում բնապահպանական խնդիրները, այդ խնդիրների լուծման ձևերը: Նրանք գիտակցում են, որ բնությունը իրենք և իրենց շրջապատող աշխարհն է: Եթե յուրաքանչյուր մարդ դա գիտակցի, շրջակա միջավայրի պահպանությունը կդառնա ավելի դյուրին: Երեխաների գիտակցությանը պետք է հասցնել, որ նրանք մաքուր պահեն շրջապատը, սովորեն ծառ տնկել, սիրեն թռչուններին ու կենդանիներին, հիանան բնության հրաշք գեղեցկությամբ: Այս գործում մեծ է նաև էքսկուրսիաների և արշավների դերը: Երեխաները ավելի են համախմբվում, մտերմանում, գիտակցում, որ բնությունը մեր բոլորի տունն է: Այցելությունները բնության թանգարաններ նպաստում են ավելի լավ ճանաչել հայրենի բուսական և կենդանական աշխարհը: Երեխաները տեսնում են այն, ինչ սովորում են դասագրքով:

Մեր երկրի ամենամեծ բնապահպանական խնդիրը աղբահանությունն է, ինչպես նաև հանքարդյունաբերությունը: Երեխան պետք է գիտակցի նաև, որ բնությունը աղտոտվում է տարբեր կողմերից՝ օդի աղտոտում (հրաբուխներ, գործարանների արտանետումներ), ջրի աղտոտում (քիմիական թափոններ, մարդկային գործոն) և այլն: Այս ամենը վատ ազդեցություն է ունենում նաև մարդու առողջության վրա: «Ես և շրջակա աշխարհը» առարկան ներառում է նաև մարդու մարմնի մասերի մասին տեղեկություններ: Դրա շնորհիվ երեխան ճանաչում է իր մարմինը, օրգան համակարգերը: Իսկ առողջության համար օգնության է գալիս բնությունը՝ սննդի տեսքով, բուժիչ ջրերի տեսքով և այլն: Այսինքն երեխան կրկին գիտակցում է, որ ինքը բնության մասնիկ է և կախված է բնությունից: Ուրեմն պետք է պահպանի այն, ընտրի առողջ ապրելակերպի կանոնները:

## **Բնապահպանական կրթության արտադասարանային ձևերը**

**Էկոլոգիական տոնը** կրթության ձև է, որն իրենից ներկայացնում է միջոցառումների ամբողջություն, որոնք ուսուցանվում են որոշակի օրում: Օրինակ՝ «Թռչնի օր», որը կարելի է անցկացնել զարնանը՝ թռչունների վերադարձի կապակցությամբ: Կարելի է նաև անցկացնել վիկտորինա՝ «Ի՞նչ գիտես թռչունների մասին» թեմայով, կամ կազմակերպել տեղեկատվության հավաքագրում «Մեր մարզի թռչունները» թեմայով և պատրաստել պատի թերթ: ՄԱԿ-ի որոշմամբ անցկացվում է «Շրջակա միջավայրի պահպանության միջազգային օր», որը հունիսի 5-ին է: Այդ օրը կարելի է նշել ճամբարներում, բակերում:

Հայաստանում մեծ աշխատանք է ծավալվել բույսերի և կենդանիների «Կարմիր գրքի» ստեղծման ուղղությամբ, որոնք հրատարակվել են

1987-1988 թվականներից սկսած: Կարելի է կազմակերպել <<Կարմիր գրքի օր>>, որին նախապատրաստվելիս երեխաները, ուսուցչի օգնությամբ ,կձանոթանան անհետացող բույսերին, թռչուններին, կենդանիներին:

**Բերքի տոն** , կամ <<Ոսկի աշուն>>, որը գրեթե ամեն տարի անցկացվում է հոկտեմբերի վերջին: Այս տոնը շատ են սիրում երեխաները, որովհետև յուրաքանչյուրը ներկայացնում է իր այգու բերքը, հյուրասիրում են միմյանց: Միախառնվում է նաև ոսկեղօծ աշնան տրամադրությունը, անտառի գույները, և երեխաները ասմունքում են, երգում, պարում:


**Էկոլոգիական խաղեր** – Բնագիտական, էկոլոգիական կրթության մեջ լայն տարածում ունեն խաղային մեթոդները: Խաղերի ընթացքում ամբողջությամբ բացահայտվում են դպրոցականների ստեղծագործական ունակությունները: Կրտսեր դպրոցական տարիքում մեծ հետաքրքրություն է առաջացնում նյութի նկատմամբ, քանի որ խաղը ընթանում է կամավոր, կրում է համարձակության ոգի, որի շնորհիվ սովորողների մեծ քանակ, իր համար աննկատելի, ընդգրկվում է էկոլոգիական կրթության գործընթացի մեջ, ձեռք է բերում ինքնավստահություն, բարձրանում է ինքնագնահատականը: Օրինակներ .

**Խաղ`<<Մնման շղթա>>:(Նկար-քարտերով, կամ բառերով)**

Հող  $\rightleftarrows$  Բույս  $\rightleftarrows$  Զրեխ  $\rightleftarrows$  Կ  $\rightleftarrows$  Կալեր կենդանի  $\rightleftarrows$  Արծի  $\rightleftarrows$

Մունկ  $\rightleftarrows$  Նկակեր միջատ  $\rightleftarrows$  Գառ  $\rightleftarrows$  Ըն  $\rightleftarrows$  Բալե

Հող  $\rightleftarrows$  Բույս  $\rightleftarrows$  Ծով  $\rightleftarrows$  Զարդ



**Նկար 1. Մնման շղթա**

Խաղը բացատրվում է այսպես՝ եթե վնասակար նյութերը հողում շատ են, ապա բույսը առողջ չէ: Հիվանդ բույսերով սնվում են կովերը, որոնց կաթից և մսից օգտվում է մարդը: Եվ այսպես արդյունքում մարդու մոտ կարող է առաջանալ որևէ հիվանդություն:

Կարելի է կազմակերպել միջդասարանային մրցույթ: Օրինակ մասնակիցներն անցնում են կայարաններից կազմված երթուղով՝ <<Անտառ>>, <<Լիճ>>, <<Ճահիճ>>, <<Կենդանաբանական այգի>>, <<Դենդրոպարկ>>, <<Արգելոց>> և այլն: Յուրաքանչյուր կայարանում երեխաները կատարում են առաջադրանքներ, պատասխանում հարցերի և վաստակում միավորներ: Հաղթում է այն թիմը, որը շատ միավոր է վաստակել:

Եվ այսպես կարելի է կազմակերպել տարբեր խաղեր. <<Խնձորը մուրրակի մոդել>>, <<Մրցույթ- աուկցիոն>>, <<Էկոլոգիական վիկտորինա>>, <<Բնական նյութերի շրջապտույտ>> և այլն: Այս խաղերը ավելի դյուրին ու մատչելի , ինչպես նաև հետաքրքիր են դարձնում <<Ես և շրջակա աշխարհը>> առարկայի ուսուցումը: Դասագրքում կան նաև հետաքրքիր փորձեր , որոնք կատարելով, երեխաները մեծ հաճույք են ստանում և գիտելիքներով հարստանում ինքնուրույն:

## Բնապահպանական կրթության արտադպրոցական ձևերը

Կրտսեր դպրոցական տարիքում արշավների և էքսկուրսիաների միջոցով ևս տարվում է էկոլոգիական կրթություն: Խմբակային այցելությունները անտառ, ազգային պարկեր և այլն , մեծ բավականություն են պատճառում երեխաներին, ինչպես նաև հարստացնում են գիտելիքների պաշարը:

Հայտնի մանկավարժ- մեթոդիստ Կ.Պ.Յագոդինը ասել է. <<Բնապահպանական էքսկուրսիայի գլխավոր նպատակը կայանում է ոչ թե նրանում , որպեսզի սովորողին պարտադրեն հիշել տեսածը, անունները, այլ այն,որ սովորեցնեն որոնել, նկարագրել բույսի կամ կենդանու առանձնահատկությունները, որ տեսնեն բնության կյանքը, հասկանան նրա կարևորությունը>>:

Էքսկուրսիայի ընթացքում երեխաները սովորում են կողմնորոշվել տեղանքում, հետազոտել, առանձնացնել հակադրություններ: Էքսկուրսիան թույլ է տալիս ամբողջությամբ բացահայտել բնության էսթետիկական, ճանաչողական պոտենցիալը, ձևավորել հատուկ վերաբերմունք բնության նկատմամբ, յուրացնել մի շարք բնապահպանական տեխնոլոգիաներ, ունենալ բնական միջավայրում անհատական վարքագիծ:

Էքսկուրսիան կարելի է սկսկսել բնական լանդշաֆտի նրա կարճ բնութագրումից, տվյալ սեզոնի առանձնահատկությունների որոշումից: Կարելի է ուշադրություն դարձնել բնության գեղեցկության, ինքնատիպության վրա: Կարող է օգտագործվել նաև գրողների ստեղծագործություններ, դիտել նկարիչների բնապատկերներ, կազմել հավաքածուներ տերևների, սերմերի: Իսկ էքսկուրսիայից հետո երեխաները գրում են շարադրություններ, կամ նկարում են, ձևավորում են պատի թերթ:

Այսպիսի մի էքսկուրսիա է կազմակերպվել Ալավերդու Կ.Դոլինյանի անվան N 11 միջնակարգ դպրոցի 3-րդ դասարանցիների հետ: Աշակերտները, դասվար Ս.Մուրադյանի հետ, այցելեցին Ստեփանավանի դենդրոպարկ: Այնտեղի բուսական աշխարհը, ծառատեսակները շատ էին տարբերվում Ակների ծառատեսակներից: Երեխաները սեփական աչքերով տեսան փշատերև ծառերի կոները, նրանց սերմերը, սովորեցին, թե ինչպես են բազմանում, և ինչու՞ փշատերև ծառերը մեծ նշանակություն ունեն:

Այսպիսով էքսկուրսիաները նպաստում են երեխաների գիտելիքների հարստացմանը, բնապահպանական խնդիրների լուծումներ գտնելուն, ինչպես նաև գեղագիտական դաստիարակություն են տալիս:



Նկար 2. Բնապահպանական էքսկուրսիա Ստեփանավանի դենդրոպարկ



Նկար 3. Աշակերտները դենդրոպարկում

## ՄԻՋԱԶԳԱՅԻՆ ԷԿՈԼՈԳԻԱԿԱՆ ՕՐԱՑՈՒՅՑ

- Հունվարի 11-** Արգելանոցների օր
- Փետրվարի 2-** Ջրաճահճային տարածքների համաշխարհային օր
- Փետրվարի 5-** Մ. Ի. Պրիշվինի ծննդյան օր
- Փետրվարի 11-**Վ. Վ. Բիանկի ծննդյան օր
- Մարտի 15-** Սպառողների համաշխարհային օր
- Մարտի 22-** Ջրի համաշխարհային օր
- Մարտի 23-** Համաշխարհային մետերոլոգիական օր
- Ապրիլի 1-** Թռչունների միջազգային օր
- Ապրիլի 18-22-**<<Այգիների արշավով>> միջազգային ակցիա
- Ապրիլի 22-** Երկրի օր
- Ապրիլի 26-** Ռադիացիոն վթարների և աղետների ժամանակ զոհվածների հիշատակի օր
- Մայիսի 12-** Էկոլոգիական կրթության օր
- Հունիսի 5-** Շրջակա միջավայրի պահպանության միջազգային օր
- Օգոստոսի 6-** Հերոսիմայի օր
- Օգոստոսի 27 -** Բայկալի օր
- Սեպտեմբերի 15-** Խաղաղության միջազգային օր
- Սեպտեմբերի 16-**Օզոնային շերտի պահպանության միջազգային օր
- Սեպտեմբերի 26-**Անտառի աշխատողների օր
- Սեպտեմբերի 27-**Տուրիզմի օր
- Սեպտեմբերի 29-**Ծովի համաշխարհային օր
- Հոկտեմբերի 4-** Կենդանիների պաշտպանության համաշխարհային օր
- Հոկտեմբերի 6-** Ապրելավայրի պահպանության օր
- Հոկտեմբերի 14-**Բնական աղետների վտանգավորության նվազեցման համաշխարհային օր
- Դեկտեմբերի 29-**Կենսաբազմաձևության համահային օր



## ԵԶՐԱԿԱՑՈՒԹՅՈՒՆ

Հետազոտական աշխատանքը կատարելու ընթացքում եկանք այն եզրահանգման,որ <<Ես և շրջակա աշխարհը>>առարկայի ուսուցումը տարրական դասարաններում մեծ նշանակություն ունի աշակերտների մոտ դեռևս մանկուց ձևավորել բնապահպանական կրթություն,դաստիարակություն,վերաբերմունք: Առարկայի ուսուցումը նպաստում է աշխարհաճանաչողական կրթությանը: Ձևավորում է գիտակցություն այն մասին,որ բնության դերը շատ մեծ է մեր կյանքում,մենք օգտվում,սնվում,շնչում ենք բնության հաշվին:Այդ իսկ պատճառով պետք է սիրել,հոգատար վերաբերմունք դրսևորել,պահպանել բնությունը իր ամբողջականությամբ:Չի կարելի աղտոտել միջավայրը՝աղբի,թափոնների, արտանետվող գազերի միջոցով,կատարել ծառահատումներ,վնասել բնական արեալը:Աշակերտների մոտ բնության նկատմամբ սեր,հոգատարություն սերմանելու գործում կարելի է կազմակերպել բաց-դասեր, ինչպես տվյալ առարկայից ,այնպես էլ դասավանդվող այլ առարկաներից՝ միջառարկայական կապեր ստեղծելով:Կարելի է հաճախակի կազմակերպել էքսկուրսիաներ բնության գիրկ,պուրակներ,արգելոցներ: Այս ամենի ընթացքում կներկայացվեն բնապահպանական խնդիրների պատճառահետևանքային կապերը,կձևավորվի խնամքով վերաբերմունք բնության նկատմամբ:

## ԳՐԱԿԱՆՈՒԹՅԱՆՑԱՆԿ

1. Եղոյան Ա. <<Մի ի թարժեքաստացի կրթահամալիր>>:
2. Խառատյան Վ. <<Դպիր>> էլեկտրոնային ամսագիր:
3. Ջուհարյան Օ., Եղոյան Ռ., Վարդանյան Զ., Սաղաթեյան Ա. <<Էկոլոգիական կրթության մանկավարժական հիմունքները, ՀՀ ԳԱԳ Էկոլոգանոսֆերային հետազոտություններին կենտրոնի հրատ. Երևան 2005, էջ 131:

